

ՓԱՌՆԱԻԱԶԸ ՀԱՅՈՑ ԹԱԳԱԻՈՐ

(ԱՍՈՐԵՍՏԱՆԻ ԱՆԿՄԱՆ ԽՈՐԵՆԱՑՈՒ
ԲԱԲԵԼՈՆԵԱՆ ԿԱՄ ՍԵԲԷՇԵԱՆ ՏԱՐԲԵՐԱԿԸ)¹

Ք.ա. է. դարի վերջի - Ք.ա. Զ. դարի առաջին կէսի Հայկական լեռնաշխարհի քաղաքական միաւորների պատմութեան աղբիւրագիտական հենքը բաւական աղքատիկ է: Զափազանց սակաւ են նաեւ հնագիտական նիւթերը եւ դարաշրջանի քաղաքական զարդացումների մասին իրական պատկերացում կազմելու լիարժէք հնարաւորութիւն չեն ընձեռում: Իսկ անտիկ ու վաղ միջնադարեան հայ մատենագիրների երկերում առասպելական ու վիպական տարրերն այնքան գերակշռող են, որ անզգոյց մեկնաբանութիւնը շատ յաճախ յանգեցնում է թիւրիմացութիւնների ու անհիմն եզրայանգումների:

Իրականում, անկախ այն հանգամանքից, Ասորեստանի անկման գործընթացում հայերն իրենց մասնակցութիւնը ցուցաբերել են թէ ոչ, միեւնոյն է, պէտք է առաջնահերթ լինի մասնակցող կողմի կարգավիճակի հարցը: Նշուած ժամանակահատուածում Հայկական պետութեան գոյութեան վերաբերեալ հիմնական աղբիւրներն են Պատմահայր Մովսէս Խորենացու «Հայոց պատմութիւնը» եւ Քսենոփոնի «Կիւրոպեդիա» երկը, աշխարհի «Բարեկոնեան» քարտէզը² եւ այլն: Սակայն, եթէ Խորենացին խօսում է թագաւորութեան առաջացման մասին³, ապա երկրորդում՝ գոյութեան⁴:

1 Յօդուածը քննարկելու եւ դիտարկումներ անելու համար մեր խորին շնորհակալութիւնն ենք յայտնում Ա. Վ. Քոսեանին ու Հ. Մարտիրոսեանին:

2 HORWITZ, W., *The Babylonian Map of the World*, I, Iraq 1988, 148ff.

3 ՄՈՎՍԵՍ ԽՈՐԵՆԱՑԻ, Պատմութիւն Հայոց, ԱԲԵՂԵԱՆ, Մ. – ՑԱՐՈՒԹԻՒՆԵԱՆ, Ս., (աշխտ.), Տփդիս 1913, I, ԻԱ, 65:

4 ՔՍԵՆՈՓՈՆ, Կիւրոպեդիա, ԿՐԿԵԱՇԱՐԵԱՆ, Ս., (քրգմ. եւ ծնբ.), Երեւան 2000, II, 4; 12-25, 31; III, 1, 1-43 եւ այլուր:

ՊԱՏՄԱԿԱՆ ԵՏՆԱԽՈՐՔԸ

Ք.ա. է. դարի վերջին քառորդում սկսուած ասուրա-բաբելոնեան հակամարտութիւնը շատ արագ վերածուեց ասուրական եւ հակա-ասուրական խմբաւորումների միջեւ պայքարի՝ ընդգրկելով ամբողջ Մերձաւոր Արեւելքը՝ Հայկական լեռնաշխարհից մինչեւ Եփիպտոս ու Արեւելամիջերկրածովեան աւազանից մինչեւ Իրանական բարձրաւանդակ։ Ք.ա. 626-610ի ընթացքում բաբելացիներին յաջողուեց մէկը միւսի ետեւից գրաւել ասուրական նահանգները, Ք.ա. 614ին նախկին մայրաքաղաք Աշուրը, ապա Ք.ա. 612ին մայրաքաղաք Նինուէն եւ զաւթել ամբողջ բուն Ասորեստանի տարածքը⁵։ Նինուէի անկումից յետոյ ասուրական զօրքերի մնացուկները ազնուականների ու վերջին արքայ Աշշուր-ուբալիտ Բ.ի (Ք.ա. 612-607/605?) գլխաւորութեամբ քաշուելով Միջագետքի հիւսիս-արեւմուտք, իրենց կենտրոնը դարձրին Խառան քաղաքն ու շարունակեցին պայքարը⁶։ Խառանի համար մղուող պայքարը ճգճգուեց. քաղաքը Ք.ա. 610-607ի ընթացքում անցնում էր մերթ ասորեստանեան մերթ հակասորեստանեան խմբաւորման ձեռքը։ Հէնց այս տարիներին էլ բաբելոնեան զօրքերը նարոպալասար (Ք.ա. 626-605) արքայի գլխաւորութեամբ յայտնուեցին Հայկական լեռնաշխարհի սահմանամերձ գոտիներում։

Այս ժամանակահատուածի վերաբերեալ մեր աղբիւրագիտական հենքը հիմնականում նոր-բաբելոնեան «Ժամանակագրութիւններն»⁷ են, որոնք յաւելւում են անտիկ ու միջնադարեան հայ պատմիչների երկերով։ Այս աղբիւրներից է, որ մենք պատկերացում ենք կազմում, թէ ուազմական գործողութիւնների ընթացքի ու ընդգրկուածութեան, եւ թէ նրանում ներառուած պետութիւնների ու ժողովուրդների մասին։ Եւ եթէ առաջինի պարագայում մենք որպէս հա-

5 Մանրամասն տե՛ս ՑԱԿԱՆԵԱՆ, Ռ., Ասուրա-բաբելոնեան հակամարտութիւնը եւ նարոպալասարի Հիւսիսային արշաւանքները, ի Պատմա-բանասիրական համբէս, 2011, թիւ 1, 262-264; նոյն, նարոպալասարի (Ք.ա. 626-605թթ.) կառավարման 18-րդ տարին (BM 22047, 1-13) «ՅՈՒ-ՄԱ-Ա-Ն-Ա-Ա»-ի տեղադրութեան հիմնախնդիրը, Միջազգային գիտաժողովի միւրեր, Վանաձարի պետական մանկավարժական ինստիտուտ, Վանաձար 2012, 16-17:

6 ՑԱԿԱՆԵԱՆ, Ռ., Աշխ., 265:

7 GRAYSON, A. K., *Assyrian and Babylonian Chronicles* (պյուիհետ՝ ABC), New York 1975, Chron. 3; 4; GLASSNER, J.-J., *Mesopotamian Chronicles* (պյուիհետ՝ GMC), Atlanta 2004, Chron. 22; 23.

կամարտող կողմ ունենք մի կողմից եգիպտա-ասուլական խմբաւորումն ընդդէմ բարելոնա-մարականի, ապա երկրորդի պարագայում մասնակիցների աշխարհագրական սահմանն ընդլայնւում է եւ այս կամ այն կերպ հակամարտութեանը մասնակցում են հրեաները, Արեւելամիջերկրածովեան աւազանի երկրները⁹, սկիւթները¹⁰, հայերը¹¹ եւ այլք:

ԲԱԲԵԼԱԿԱՆ ԶՕՐՔԵՐԻ ԱՐԾԱԽԱՆՔՆԵՐԸ ԴԵՊԻ ՀԱՅԿԱԿԱՆ ԼԵՌՆԱՇԽԱՐՀ

Հստ նորբաբելոնեան «Ժամանակագրութեան», Նաբոպալասարի կառավարման 17րդ տարում⁸ Ք.ա. 609ին, ասորեստանցիներին օգնութեան է շտապում Եգիպտոսի փարաւոն Նեխոյ Բ. (Վահեմիթուա) (Ք.ա. 610-595) եւ միաւորուելով Աշշուր-ութալլիտ Բ.ի հետ՝ ասուլա-եգիպտական ուժերին առաջնորդում է դէպի իշառան: Այս իրադարձութիւնը հետաքրքիր է նրանով, որ խորհրդային մասնագիտական գրականութեան, եւ մասնաւորապէս հայ պատմագրութեան մէջ տիրող էր ի. Մ. Դեակոնովի այն կարծիքը, որ Նաբոպալասարի հետ միաժամանակ արշաւի են ելնում նաեւ մարերն ու նուաճում Ռւրարտուն¹¹:

Այլ բան են վկայում, սակայն, արձանագրութեան տեղեկութիւնները՝ «Ժամանակագրութեան» 70-75րդ տողերի համաձայն՝

«Աֆֆադի արքան իր զօրքերին օգնութեան շտապեց եւ ... [...] քարարացաւ դէպի իզալլա (եւ) քազմաքիւ լեռնային քաղաքներ ... [...] երի մատնեց նրանց [...]: Այդ ժամանակ (այդ օրերին) [...] զօրքերը մինչեւ Ռւրաշտուի շրջան [շախուեցին էրկրում(?)] ... [...] քալանեց նրանց: Կայազօրը, որ արքան [...] նրանց մէջ(?) կանգնեցրեց՝ տեղա-

8 ՀԵՐՈԴՈՏՈՍ, Պատմութիւն ինը գրքից, ԿՐԿԵՍՇԱՐԵԱՆ, Ս., (թրգմ. եւ ծնբ.), է., Երևան 1986, II, 159; ИОСИФ ФЛАВИЙ, *Иудейские древности*, в 2-х томах, пер. ГИПКЕЛЯ, Г., Москва 1996, X, 5.

9 ԴԻՌԴՈՐՈՍ ՍԻԿԻԼԻԱՑԻ, *Օտար աղքիւրները Հայաստանի եւ հայերի մասին*, № 14, ԿՐԿԵՍՇԱՐԵԱՆ, Ս., (թրգմ. եւ ծնբ.), է., 1985, II, 43:

10 ՄՈՎՍԵՍ ԽՈՐԵՆԱՑԻ, Աշ. աշխ., I, ԻԱՅ, 65:

11 ДЬЯКОНОВ, И. М., *Малая Азия и Армения около 600г. до н.э. и северные походы вавилонских царей*, Вестник древней истории, 1981, № 2, 42; 8ԱԿԱՆԵԱՆ, Ռ., Աշխ., 265-266 և ծնբ. 18:

հա]նեցին (եւ) [...] բարձրացան ... (?) քաղ[ամ]: Աքքադի արքան իր երկիրը վերադառնաւ»¹²:

Հստ արձանագրութեան Նաբոպալասարը մեկնել էր պաշարուած Խառանին օգնութեան, իսկ քիչ յետոյ մարտեր էր մղում Հայկական լեռնաշխարհի մատոյցներում՝ Իզալլայի լեռներում¹³: Այստեղ բազմաթիւ քաղաքներ գրաւելուց յետոյ, ըստ արձանագրութեան 72րդ տողի, ինչ-որ զօրքեր, ըստ համատեքստի՝ բաբելոննեան, այլ ոչ մարական, ինչպէս ենթադրում է ի. Մ. Դեակոնովը, հասնում են մինչեւ «դէպի Ուրաշ/րտուի շրջան»՝ («adi pīhat URU.Úraššu»): Այստեղ մենք շարունակում ենք հետամուտ լինել մեր այն կարծիքին, որ թշնամին, որի հետ իզալլայում բախուել է Նաբոպալասարը, ասորեստանցիները չեն: Իրենց բուն տարածքը կորցրած եւ քաղաքական հոգեվարքի մէջ յայտնուած ասորեստանցիները հազիւ թէ իրենց ռազմուժի վերջին մնացորդները հեռացնէին դաշնակից եգիպտացիների պաշտպանութիւնից եւ նետիին քանակապէս ու բարոյահոգեբանական առումով գերազանցող հակառակորդի դէմ¹⁴:

Ուշագրաւ է նաեւ այն հանգամանքը, որ ըստ ի. Մ. Դեակոնովի՝ Նաբոպալասարի արշաւանքը Խառանից հիւսիս կարող էր պայմանաւորուած լինել նաեւ հումքի պաշարներ ձեռք բերելու անհրաժեշտութեամբ¹⁵: Ինչ խօսք, այս մեկնաբանութիւնն այնքան էլ յարիր չէ պատերազմական բուռն ժամանակաշրջանին եւ, հետեւաբար, հազիւ թէ կարելի է հիմնաւոր համարել: Այդուհանդերձ, անուանի արեւելագէտը նկատում է, որ Իզալլայի լեռներում Նաբոպալասարը հանդիպել է յամառ դիմադրութեան, որոնք ո՛չ ասորեստանցիները, ո՛չ եգիպտացիները, ոչ էլ ուրարտացիներն են եղել, այլ ինչ-որ անյայտ մի ուժ, որն ասուրա-բաբելական հակամարտութեան շրջանում փորձել է ընդլայնել իր տարածքը:

Աղբիւրների սակաւութեան պատճառով առայժմ անհնարին է քիչ թէ շատ հիմնաւոր դատողութիւն անել Եփրատի վերին աւազա-

12 WISEMAN, D. J., *Chronicles of Chaldean Kings (626-556 B.C.) in the British Museum*, London 1956, 20ff., 46, 64ff.; ABC, Chron. 4; GMC, Chron. 23; ДЬЯКОНОВ, И. М., *Малая Азия и Армения ...* 39-46; ՅԱԿԱՆԵԱՆ Ռ., նշ. աշխ., 266-269; Նոյն, *Նաբոպալասարի (Ք.ա. 626-605) կառավարման 18րդ տարին ...*, 17:

13 Մասինն լեռները, Աերկայիս՝ Թուր-Արդիմը, որից հիւսիս ընկած տարածքը յետագյում կոչում էր Միջագետք Հայոց:

14 ՅԱԿԱՆԵԱՆ Ռ., *Ասուրա-բաբելոննեան հակամարտութիւնը ...*, 268-269:

15 ДЬЯКОНОВ, И. М., *Малая Азия и Армения ...*, 41-43.

նում հաստատուած այդ քաղաքական գործօնի էթնոքաղաքական պատկանելութեան խնդրի շուրջ: Սակայն, միաժամանակ հաշուի առնելով նախորդ տասնամեակներում տարածաշրջանում տեղի ունեցած էթնոքաղաքական բուռն տեղաշրջերը, կարելի է ենթադրել, որ այստեղ գործ ունենք «Տուն Թորգումայի» կամ նրա քաղաքական փոխակերպութեան հետ¹⁶: Ամէն դէպքում, բոլոր եզրակացութիւնները շարունակում են մնալ ենթադրութիւնների դաշտում:

Ինչեւէ, Նաբոպալասարի կառավարման 18րդ տարում՝ Ք. ա. 608ին, բարելական զօրքերը գահաժառանգ Նաբուգոդոնոսորի գլխաւորութեամբ նոր արշակի ելան: Ռազմական գործողութիւնները ծաւալուեցին Հայկական լեռնաշխարհի հարաւարեւմտեան տարածքներում՝ Բիթ-Խանունիայի լեռներում: Նաբոպալասարի կառավարման 18րդ տարուայ արշաւանքի համապատասխան տողերը մէջ ենք բերում ամբողջութեամբ՝

«(1-4) Նաբոպալասարի տասնութերորդ տարին, Ուկուլու¹⁷ ամսին՝ Աֆքադի արքան իր զօրքերը հաւաքագրեց և Տիգրիսի երկայնքով շարժուեց դէպի Բիթ-Խանունիայի լեռները՝ Ուրաշուի երկրի շրջանում: Քաղաքները հրի մատնեց (եւ) մեծ քանակութեամբ աւար զաւեց ...»¹⁸:

Ինչպէս նախորդ արձանագրութեան մէջ, այնպէս էլ այստեղ, որեւէ խօսք չկայ բարելացիների կողմից տարածքային նուաճման մասին: Ինչպէս երեւում է, այս անգամ էլ բարելացիները մի քանի քաղաք հրի մատնելով եւ, ռազմագերիներ ձեռք բերելով, ետ են վերադառնում:

Այստեղ կրկնութիւնից խուսափելու համար չենք անդրադառնայ Բիթ-Խանունիայի տեղադրութեան մանրամասնութիւններին, այլ նշենք, որ այն կարծես թէ հաստատապէս տեղորոշւում է իզալլայից հիւսիս կամ հիւսիս-արեւմուտք՝ համապատասխանելով «Աշխարհացոյցեան» Ալձնիք նահանգի Անգեղտուն կամ էլ այդ նահանգի որեւէ այլ գաւառի¹⁹: Այս դէպքում նոյնպէս յայտնի չէ Բիթ-Խա-

16 Մանրամասն տե՛ս ԳՈՍԵԱՆ, Ա., Տուն Թորգումայ (առասպել եւ իրականութիւն), Երևան 1998, 55-65; Նոյն, Արամ նահապետը կապադովկիայում (մի վարկածի առքի), ի ՊԲՀ, 1999, № 1-2, 237-259:

17 Օգոստոս-Սեպտեմբեր:

18 ABC, Chron. 4; GMC, Chron. 23; ԴՅԱԿՈՆՈՎ, Ի. Մ., Մալայ Ազիա և Արմենիա ... 39-46; 8ԱԿԱՆԵԱՆ Ռ., Նաբոպալասարի (Ք. ա. 626-605) կառավարման 18-րդ տարին..., 13-14:

19 Անդ, 29-ի քարտեզը:

նունիայում բարելացիներին դիմադրութիւն ցոյց տուած հանրոյթի էթնիկական պատկանելութիւնը: Սակայն փոխարէնը մենք տեսնում ենք, որ բարելացիներն արշաւանք են կատարում դէպի Հայկական լեռնաշարհի մատոյցներ՝ հեռահար նպատակ ունենալով զարգացնելու իրենց առաջնալացումը, բայց բախւում են ինչ-որ ուժերի հետ եւ ետ վերադառնում:

Յաջորդ՝ Ք.ա. 607 կամ Նաբոպալասարի կառավարման 19րդ տարում, բարելացիները կրկին Նաբոպալասարի եւ գահաժառանգ Նաբուգոդոնոսորի գլխաւորութեամբ արշաւի են ելնում: Արձանագրութեան այն հատուածները որտեղ խօսւում է բարելացիների մղած մարտերի ու աւարի մասին՝ վնասուած են եւ յիշատակուող տեղանունը միանշանակօրէն չի վերականգնւում: Տարընթերցումների տեղիք է տալիս մասնաւորապէս արձանագրութեան 11րդ տողը՝ «իհ-[tab]-ta EN pi-ḥat KUR[...?].gi-mi]-ir KUR^{me} ik-šu-ud» - «Յանուանեց բոլոր լեռները (լեռնային տարածքները)՝ մինչեւ [...?]»²⁰: Ա. Ք. Գրեյյոնն ու Ջ.-Ջ. Գլասաները վնասուած հատուածը վերականգնում են որպէս «Որտես»՝ Ռւրարտու²¹, իսկ Ջ. Ռիդն առաջարկում է վերականգնել «tam-[tim(?)]»՝ մինչեւ «Ծովի (ըստ հեղինակի՝ Վանայ լին շրջան)»²²: Անկախ այն հանգամանքից, թէ որ վերականգնումն է համապատասխանում իրականութեանը՝ միեւնոյն է, բոլոր դէպերում էլ մենք գտնւում ենք Հայկական լեռնաշխարհում:

Ընդհանրացնելով վերոշարադրեալը՝ ստացւում է հետեւեալ պատկերը: Բարելոնեան զօրքերը ասուրա-բարելական հակամարտութեան ժամանակաշրջանում առնուազն երեք արշաւանք են կատարել դէպի Հայկական լեռնաշխարհի սահմանամերձ շրջաններ:

Ստորեւ ներկայացնում ենք այդ արշաւանքների ժամանակագրութիւնը՝

20 Նշուած տողի թարգմանութեան ու մեկնաբանութեան համար մանրամասն տե՛ս՝ ՑԱԿԱՆՆԵԱՆ Ռ., Նաբոպալասարի (Ք.ա. 626-605) կառավարման 18-րդ տարիմ..., 25-27:

21 ABC, Chron. 4, 11; GMC, Chron. 23, 11.

22 READE, J. E., *Why did the Medes Invade Assyria?, History of the Ancient Near East, Monographs – V, Continuity of Empire(?)*: Assyria, Media, Persia, ed. LANFRANCHI, G. B. -ROAF, M. - ROLLINGER, R., Padova 2003, 154f.; ՑԱԿԱՆՆԵԱՆ Ռ., Նաբոպալասարի (Ք.ա. 626-605) կառավարման 18-րդ տարիմ..., 26-27:

Ք.ա. 609ին՝ դէպի հզալայի շրջան, Ք.ա. 608ին դէպի Բիթ-իանունիա, եւ Ք.ա. 607 դէպի Ուրաշ/ըտուի ինչ-որ շրջան կամ դէպի Վանայ լճի աւագան:

Քննարկուող նիւթի վերաբերեալ սեպագիր-աղբիւրագիտական նիւթն այսքանով սահմանափակում է, եւ վերջինիս շրջանակներից դուրս բոլոր եզրակացութիւնները ենթադրութիւնների ոլորտից են:

ՀԱՅ ՄԻԶՆԱԴԱՐԵՍԱՆ ՊԱՏՄԻՉՆԵՐԻ ՑԻՇԱՏԱԿՈՒԹԻՒՆՆԵՐԸ Ա.ՍՈՐԵՍՏԱՆԻ ԱՆԿՄԱՆ ՄԱՍԻՆ

Հայ վաղմիջնադարեան ու միջնադարեան այն պատմիչները, ովքեր իրենց երկերում անդրադարձել են նախապատմական շրջանի հայոց պատմութեանը, յաճախ կրկնելով Մովսէս Խորենացուն՝ անդրադարձ են կատարել նաեւ Ասորեստանի անկմանն ու հայերի մասնակցութեանն այդ գործընթացում: Դեռ աւելին, հայ մատենագիրների մօտ Հայկական թագաւորութեան առաջացումն անմիջականօրէն աղերսւում է հէնց Ասորեստանի անկման գործընթացի հետ:

Խօսելով թագաւորութեան առաջացման մասին՝ Մովսէս Խորենացին հիացմունքով նշում է. «Եւ այժմ ահա զուարենացայց, ոչ փոքր ինչ կրելով ինդուրիւն, հասանելով ի տեղիս, յորում մերոյ իսկ բնիկ նախնայն սերունդք ի թագաւորութեան հասանեն յաստիճան»²³:

Հիմնախնդրի լուսաբանման առումով, շատ յաճախ շրջանցելով համաժամանակեայ սեպագիր-աղբիւրագիտական նիւթի թէկուղեւ փոքրաթիւ յիշատակութիւնները՝ ուսումնասիրողների կողմից կարեւորուել են յատկապէս հայ մատենագիրների վկայութիւնները: Ընդ որում, կարծրացած է այն պատկերացումը, որ Մովսէս Խորենացուց յետոյ ապրած եւ իրենց «Պատմութիւնները» շարադրած միւս հայ պատմիչները՝ Սեբէսոր, Թովմա Արծրունին եւ այլք, իրենց պատմութեան նախաբանը կամ առաջին գլուխը, որտեղ շարադրում է հայ ժողովրդի պատմութիւնը սկզբից մինչեւ նրանց ապրած ժամանակաշրջանը, օգտուել են Խորենացուց կամ ուղղակի կրկնել են նրան: Սակայն, նիւթի խորազնին ուսումնասիրութեան եւ պատմիչների հաղորդումների համադրման արդիւնքում՝ վերոյիշեալ կարծիքը չի հաստատւում²⁴:

23 ՄՈՎՍԵՍ ԽՈՐԵՆԱՑԻ, Պատմութիւն Հայոց, I, ԻԱ, 64-65:

24 8ԱԿԱՆԵԱՆ Ռ., Թովմա Արծրունու նորաբեկոնեան արքայացանկը եւ նրա աղբիւրը, Էջմիածին, Երևան 2010, 61-71:

**1. Ասորեստանի անկման ու Հայոց քագաւորութեան
առաջացման «մարական» ու «քարելական» տարրերակները**

**Այսպէս, պատմահայր Մովսէս Խորենացին արձանագրում է, որ
Պարոյը՝ «որդի Սկայորդւոյ», Հայկական ուժերի գլուխն անցած,
մարական զօրքերի հետ համատեղ, ակտիւ մասնակցութիւն է ցու-
ցաբերել Ասորեստանի դէմ պայքարում եւ շուտով հանդէս բերած իր
պատրաստակամութեան դիմաց Մարաստանի թագաւոր Վարքակէս-
կիաքսարից՝**

«Յինքն եւ գման մեր նախարար յանգուցանէ զՊարոյր, քագաւո-
րութեան շուր եւ ձեւ նմա խոստանալով ... եւ այսպէս զքագաւորու-
թիւնն ի Սարդանապալլայ յինքն առեալ տիրէ Ասորեստանի եւ Նի-
նուէի: Բայց վերակացու զայլս քողլով Ասորեստանի՝ փոխէ զքագաւո-
րութիւնն ի Մարս»²⁵:

**Պատմահօր այս յիշատակութիւնը ուսումնասիրողների կող-
մից տարբեր գնահատականների է արժանացել, սակայն, մէկ հանդա-
մանք փաստ է, որ ըստ Խորենացու յիշատակութեան՝ Պարոյը՝²⁶ հայ-**

25 ՄՈՎՍԵՍ ԽՈՐԵՆԱՑԻ, Պատմութիւն Հայոց, I, իԱ, 65: Մինչդեռ Թովմա Արծրունին Պարոյր Հայկազնին չի նաևազում որպէս առաջին քագաւոր՝ «Վարքակայ Մարի բարձեալ զիշխանութիւնն Ասորեստանեայց՝ զՊարոյր Հայկազնեայ ապահարկէ ի հարկարարութենէ եւ քագապատիւ իշխանու-
թեամբ մեծարեալ՝ տայ զօր բազում յօնեականութիւն, և դարձեալ հաստատէ զքագաւորութիւն Հայոց». ԹՈՎՄՍՅ ԱՐԾՐՈՒՆԻ, Պատմութիւն տաճն Արծրունեաց, (թրգմ. եւ ծնբ.) ՎԱՐԴԱՆԵԱՆ, Վ. Մ., Երեւան 1985, I, Դ, 58: Այսինքն՝ պետութիւն որպէս այդպիսին չի առաջանում, այլ, ինչպէս յի-
շատակում է Պատմահայրը, նաևաչում է, կամ վերականգնուում է ըստ Թով-
մա Արծրունու:

26 Պարոյր Հայկազն-Սկայորդու մասին մանրամասն տես՝ ՂԱՓԱՆՑԵԱՆ, Գ. Ռւարտուի պատմութիւնն, Երեւան 1940, 217-219; ՊԻՈՏՐՈՎՍԿԻ, Բ., Հայ ժո-
ղովուրդի ծագման հարցի շուրջը, ի Տեղեկագիր հասարակական գիտութիւ-
նների, 1945, № 6, 20; Նոյն, Օ պրոնչոյն արմանական ժողուածութեան մասին արմանական առաջացումը, ի ՊԲՀ, 1966, № 4, 94, 98; ինչպէս նաև տես' Հայկազնեիներ, միջազգային գիտաժողովի յօդուածների ժողովածուն, գլխ. Խմբագիր՝ ԲԱՐԽՈՒԴԱՐԵԱՆ, Վ., 2013; ԽԱԶԱՏՐԵԱՆ, Վ. Ն., Հայաստանը մ.թ.ա. XV-VII դարերում (Հայոց հիմ պատմութիւն), Եջմիածին 1998, 133-143; Նոյն, Հայոց հիմ պատմութեան հարցեր (Ակնարկներ հայոց հիմ պատմութեան), Եջմիածին 2010, 15-21; ՅԱՐՈՒԹԻՒՆԵԱՆ, Բ. Հ., Հայաստանի, հայ-իրանական յարաբերութիւնների եւ Առաջաւոր Ասիայի հնագոյն պատմութեան մի բանի խմբիքների շուրջ (մ.թ.ա. VII-VIդդ.), Եջմիածին 1998, 34-58, 81-85; ՄՈՒՇԵՂԵԱՆ, Ա. Վ.,

կական առաջին թագաւորութեան հիմնադիրն է: Որպէս իր խօսքի հաստատում Պատմահայրը նշում է:

«Եւ զի արդարեւ զայնու ժամանակաւ էր ազգիս մերոյ թագաւորութիւն՝ վկայէ եւ Երեմիա²⁷ մարգարէ ի բանս իւր, երաւիրելով ընդդէմ թարելոնի ի պատերազմ. «Հրաման տուր, ասէ, Այրարատեան թագաւորութեանն եւ Ասքանազեան գննին»: Եւ այս հաւաստի գոլոյ մերոյ թագաւորութեանն առ այնու ժամանակաւ»²⁸:

Այստեղ հետաքրքիր է նաեւ մի հանգամանք՝ որ Խորենացին ընդգծում է, թէ այս պատումն ունի նաեւ այլ տարբերակներ՝ «Այլ այս եթէ առ այլս այլազգաբար պատմի՝ մի՛ ինչ սբանչանար»²⁹:

Այսպէս, Խորենացին ինքն է արձանագրում, որ իր ձեռքի տակ եղել են բազմապիսի աղբիւրներ, որոնցից շատերը Պատմահայրը յղում է: Սակայն, ինչպէս երեւում է, Խորենացին քննադատաբար է մօտեցել իր աղբիւրներին, դեռ աւելին՝ նրանցից զատել այն, որն աւելի ճշմարտացի է համարել՝ «... եթէ բազում ազգաց լեալ մատենագիրք, որպէս ամեննեցուն է յայտնի, մանաւանդ Պարսից եւ Քաղդէացոց, յորս առաւել ազգիս մերոյ գտանին բազում ինչ իրաց յիշատակք, մեք զՅունացն միայն յիշեցաք զպատմագիրս, եւ անտի զյայտարարութիւն մերոյ ազգաբանութեանս խոստացաք յանդիման կացուցանել»³⁰:

Ինչպէս երեւում է Խորենացու իսկ յիշատակութիւնից նա նախապատուութիւնը հիմնականում տուել է յունական աղբիւրներին: Վերջինիցս էլ պէտք է բխեցուի նաեւ Խորենացու՝ Ասորեստանի անկման գործընթացում մարերին նախապատուութիւն տալլ: Վերոշարադրեալից կարելի է ենթագրել, որ նրա ձեռքի տակ եղել են նաեւ այնպիսի աղբիւրներ, որոնցում Ասորեստանի կործանման պատմութիւնը դիտարկուած են եղել Բաբելոնիայի տեսանկիւնից:

Մովսէս Խորենացու դարը, Եջմիածին 2007, 67-170; հմմտ. ԿՐԿԵՍ.ՇԱՐԵԱՆ Ս. Մ., Հիմնական պետական կառուցուածքը (Մ.թ.ա. VI-մ.թ. IVդդ.), Եջմիածին 2005, 25-33, 153, եւ բազում այլք:

27 Եմ Ծա, 27-29

28 ՄՈՎԱԷՍ ԽՈՐԵՆԱՅԻ, Պատմութիւն Հայոց, I, ԻԲ, 67:

29 Անդ, 66: Խորենացին մեղադրում է նաև իր նախորդներին, որոնք հոգ չէին տարել յիշատակութիւններ բողնելու համար՝ «... զի եթէ որք յառաջ քան զմեզ եւ կամ առ մեօք նեին հարուստք եւ իշխանք աշխարհիս Հայոց, ոչ ընդ ձեռամբ անկելոց իւրեանց արդեօք գտելոց իմաստնց զայսպիսեացս հրամայեցին կարգել զյիշատակս բանից, եւ ոչ արտաքուստ ուստեք այսոցիկ ի ներքս ածել խորհեցան օժանդակութիւնս իմաստից» I, Ա, 6:

30 Անդ, I, Բ, 7:

Առաւել եւս, որ դրա օգտին է վկայում Պատմահօր Հետեւեալ արտայայտութիւնը. «Քանզի եւ ոք ի հօրէն նարուգողնոսորայ գործ, գրեցան յիւրեանց յիշողութեանցն վերակացուաց...»³¹:

Այստեղ եզրակացութիւնն աւելի քան միանշանակ է, որ Պատմահայրն իր ձեռքի տակ եղած երկու աղբիւրների միջեւ նախապատութիւնը տուել է «մարական» տարբերակին՝ Ասորեստանը կործանողին եւ հայոց առաջին արքային թագաղրողի դերը վերապահելով ոչ թէ Նաբուղալասարին կամ Նաբուգոդոնոսորին, այլ «Վարրակ» - Կիաքսարին: Այսպիսով ակնյայտ է, որ Խորենացին իր ձեռքի տակ ունեցել է նաեւ «բարելական» տարբերակը:

Ցածրող հայ պատմիչը, որն անդրադարձել է վերոյիշեալ թեմային, Սեբէոսն է: Նրա յիշատակութիւնները, սակայն, աւելի շուտ հակասում, քան թէ համընկնում են Մովսէս Խորենացու վկայութիւններին: Ինչպէս տեսանք Պատմահայրը Հայաստանի տուեալ ժամանակաշրջանի պատմութիւնը եւ հայոց թագաւորութեան հաստատումը կապում է Մարաստանի հետ, մինչդեռ Սեբէոսը՝ Բաբելոնի: Դեռ աւելին, Սեբէոսի մօտ Պարոյրի փոխարէն հանդէս է գալիս Փառնաւազը³²: Վերջինս, ըստ Խորենացու հայոց նահապետների ցուցակի, Պարոյրի թոռն է³³:

Անդրադառնալով ժամանակաշրջանի իրադարձութիւններին՝ Սեբէոսը նշում է. «Այս Փառնաւազ հեազանդեալ նարուգողնոսորայ արքայի ի Բաբելոն: Եւ ապա յայնմենատէ Բաբելացւոց եւ Մարաց թագաւորքն տիրեցին մինչեւ ցԱղեքսանդր Մակեդոնացի...»³⁴:

31 Անդ, I, ԻԱ, 66:

- 32 ՊԱՏՄՈՒԹԻՒՆ ՍԵԲԷՈՍԻ, (աշխտ.) ԱԲԳԱՐԵԱՆ, Գ. Վ., Երեւան 1979, Ա: 30, 51: Մովսէս Խորենացու եւ Սեբէոսի հայոց նահապետների ցանկերի համարման համար մանրամասն տես՝ ՅԱԿՈԲՅԱՆ, Հ., Տիգրամ Սեծը եւ Հայկագութիւնները համաձայն Խորենացու եւ Սեբէոսի, Հայկագութիւնները, 2013, 43-44, Յաւելուած Գ. Հում հեղինակը համադրում է նաև Խորենացու ու Սեբէոսի ցուցակները: Նշենք նաև, որ Սեբէոսի ցանկի Յիւղագրութիւնը եետաքրքիր է նրանով, որ այնտեղ ներկայացուած են նաև Արամենակ/Արամանեակ/-ի չորս որդիներն ըստ աւագութեան՝ Զարեհ-Հարմա-Կաղմոս-Արամայիս: Փառնաւազը Զարեհի սերնդից չարբարդն է՝ Արմոգ-Սարհանգ-Շաւարշ-Փառնաւազ: Փառնաւազի յաջորդներն են Բագամն ու Բագարատ Անգեղը: Արամայիսի սերեսնեան նիւղագրութիւնը համապատախանում է Խորենացու ցուցակին՝ Ամասիա-Գեղամ-Հարմա-Արամ-Արա Գեղեցիկ: Ինչպէս երեւում է Արամայիսի սերնդից չորրորդը՝ Արամն է Արա Գեղեցիկի հայրը:
- 33 ՄՈՎՍԵՍ ԽՈՐԵՆԱՑԻ, Պատմութիւն Հայոց, I, ԻԲ, 68-69:
- 34 ՊԱՏՄՈՒԹԻՒՆ ՍԵԲԷՈՍԻ, Ա: 30, էջ 51:

Մինչ Փառնաւազի մասին յիշատակութիւնը Սեբէոսը նշում է, որ Հայաստանին Շամիրամի տիրելուց յետոյ՝ «... յայնմիեւ Ասորես-տանեայց թագաւորքն տիրեցին մինչեւ ցմեռանելու Սենեքարիմայ. ապա ապստամբեցին յատրուց թագաւորացն ծառայութենէ:

Եւ տիրէ ի վերայ նոցա Զարեհ որդի որդուց Արամենակայ, ... ապա Արմոգ. ապա Սարհանգ. ապա Շաւաշ. ապա Փառնաւազ»³⁵:

Վերջարադրեալից յետոյ Սեբէոսը ներկայացնում է Փառնաւազի սերունդներին՝ տեղորոշելով նաեւ նրանց տիրապետութեան սահմանները, որոնք համընկնում է Հայկական լեռնաշխարհի հարաւ-արեւմտեան շրջաններին՝ Մեծ Հայքի Աղձնիք եւ Ծոփք նահանգներին՝ «Սա (Փառնաւազը – Ռ.Յ.) ծնաւ զԲագամ եւ զԲագարատ. եւ Բագարատ ծնաւ զԲիրատ, եւ Բիրատ ծնաւ զԱսպատ: Եւ որդիքն Բագարատայ ժառանգեցին զժառանգութիւնս իւրեանց ի կողմանս արեւմտից, այս ինքն է Անգեղ տուն. վասն զի կոչեցաւ Բագարատ եւ Անգեղ...»³⁶:

Այստեղ մեծ հետաքրքրութիւն է ներկայացնում այն հանգամանքը, որ, ըստ Սեբէոսի, Նաբուգոդոնոսորին հնազանդուած Փառնաւազի տիրոյթները համապատասխանում են իզալայից Հիւսիս ընկած տարածքներին եւ Բիթ-Խանունիային: Սեպագիր աղբիւրն այս պարագայում ոչ միայն համահունչ է Սեբէոսի յիշատակութեանը, այլև համազրւում է նաեւ ժամանակագրական առումներով: Դեռ աւելին, ինչպէս վերը նշուեց՝ բաբելոնեան զօրքերը Հայկական լեռնաշխարհում մարտեր էին մղում հէնց Բաբելոնի ապագայ թագաւոր՝ գահաժառանգ Նաբուգոդոնոսոր Բ.ի (Բ.ա. 605-561) գլխաւորութեամբ: Անչափ կարեւոր հանգամանք, որ վրիպել է տուեալ ժամանակաշրջանի Հայոց պատմութիւնն ուսումնասիրողների տեսադաշտից: Մինչդեռ երեւոյթի քննութիւնը համալիր ուսումնասիրման կարիք ունի, անհրաժեշտ է, որ այն համահունչ լինի ոչ միայն ժամանակագրական առումով եւ ընդգրկուի այս կամ այն իրադարձութեան համատեքստում, այլև հաստատուի աղբիւրագիտական տուեալներով: Այս պարագայում ենթադրական եզրակացութիւննե-

35 ՊԱՏՄՈՒԹԻՒՆ ՍԵԲԷՈՍԻ, Ա: 20-25, էջ 51: Գտնում ենք նաև, որ յաջորդ Բգլիում կապուած Արշակ արքայի և Մծուրեի պատմութեան մեջ յիշատակուած «Բագարատն Փառազեան»-ը պէտք է սրբագրուի որպէս «Բագարատն Փառնաւազեան» (ՊԱՏՄՈՒԹԻՒՆ ՍԵԲԷՈՍԻ, Բ: 5, էջ 54), այստեղ պարտադիր չէ Բագարատին տեսնել որպէս Փառնաւազի որդի, այլ որպէս Փառնաւազեան տոհմից:

36 ՊԱՏՄՈՒԹԻՒՆ ՍԵԲԷՈՍԻ, Ա: 25-30, էջ 51:

ըը կարող են եւ տեղաւորուել տուեալ ժամանակահատուածի իրադարձութիւնների հիմքում:

Իսկ ինչ վերաբերում է Սեբէսի այն յիշատակութեանը, որ բարելացիներից յետոյ «...Մարաց քագաւորքն տիրեցին մինչեւ ցԱղեքսանդր...», ապա այստեղ պատմիչը կարող է եւ նկատի ունենար Պարսից Արեմենեան տէրութիւնը, որովհետեւ Ք.ա. 550ից յետոյ մարերը չէին կարող տիրել մինչեւ Աղեքսանդր Մակեդոնացի: Այսպէս, ակնյայտ է, որ Սեբէսի պատումի հիմքում ընկած է կամ Խորենացու յիշատակած ու մեզ չհասած «բարելական» կամ մէկ այլ ուրիշ աղբիւր:

2. Փառնաւագ - /Փարնάթաչօց/ - Vindafarnā/h - /Ինտաֆէրնոց/

Այսպէս, ինչպէս տեսանք հնարաւոր է Փառնաւագին թուագրել Ք.ա. Է. դարի վերջին տասնամեակով եւ Ք.ա. Զ. դարի սկզբներով՝⁷,

37 Հայ պատմագիտական միտքի ներկայացուցիչները կիմք ընդունելով Հայր Միքայէլ Չամչեանի կողմից Հայկազուն նահապետների առաջարկած անյայտ ծագման բուագրումները (Փառնաւագի համար տալիս է ԺԳ/13/ տարի՝ ԶԱՄԶԵԱՆ, հ. Մ., Հայոց պատմութիւն, Ա., Երեւան 1985, 101)՝ փորձել են կազմել իրենց արքայացանկերը: Օրինակ ըստ Բ. Հ. Յարութիւնեանի նա կառավարել է Ք.ա. 586-573 եւ հանդիսանում է Երուանդ սակաւակեացի նախորդը եւ Երիմենա-Արմանի-Արամի քոռը՝ (ՅԱՐՈՒԹԻՒՆԵԱՆ, Բ. Հ., նշ. աշխ., 84): Հեղինակը յանախ չի բացում իր գիտական խոհանոցը, օրինակ Տիգրան Երուանդեանի մահուան առումով նշում է. «որոշ տուեալների համաձայն, նա մահացել է Կիւրոս Մեծի մահուան հրդ տարում»: Այստեղ ակնյայտ է արհեստականութեան տարրը: Հայ պատմիչներից միայն Թովմա Արծրուելն է խօսում նրա մահուան մասին եւ կարելի էր գոնեւ յիշատակել այն: Իր հերթական գլուխը Թովմա Արծրուելն վերենագրել է՝ «Յետ Կիւրոսի Կամրիւէս, Նմերգիսմող, Դարեն Վշտապա. Ի բաներորդի ամի՞ Դարենի մնուա Տիգրան Հայկազնեայ»՝ (ԹՈՎՄԱՅ ԱՐԾՐՈՒՆԻ, Ա., Զ.): Դարեն Ա-ը կառավարել է Ք.ա. 522-486, իսկ նրա կառավարման 20րդ եւ Տիգրանի մահուան տարին կը լինի՝ Ք.ա. 503 բուականը: Քիչ այլ է Վ. Ն. Խաչատրեանի կարծիքը, ըստ նրա Փառնաւագը կառավարել է Ք.ա. 624-611ին եւ ոչ թէ Երիմենայի քոռն է այլ հեց ինքն երիմենան՝ ԽԱԶԱՏՐԵԱՆ Վ. Ն., Հայաստաճը մ.ք.ա. XV-VII դարերում, 31: Երիմենայի թեման այստեղ ամենառաջբար է: Հակագիտական ու արհեստածին մի հանգամանք, որ կարծես թէ յարաշարժութեան ուժով շարունակում է նաև այսօր, անուշադրութեան մատնելով կամ միտումնաւոր անտեսելով ուրարտագիտութեան ձեռք քերած նուանումները: Մինչեռ, դեռեւ 2004ին հրատարակուեց է. Գրեկեանի մի ուշագրաւ յօդուածը, որտեղից պարզ դարձաւ, որ Ռուսա Երիմենա-

իսկ անուանաբանական առումով՝ այն գործածական է առնուազն Ք.ա. Թ. դարից մարերի շրջանում³⁸:

Սակայն, ամբողջ վերոշարադրեալը դեռեւս հիմք չի կարող հանդիսանալ, որպէսզի Փառնաւազին դիտարկենք, որպէս գոյութիւն ունեցող պատմական անձի: Բարելական «Ժամանակագրութիւններում», ինչպէս տեսանք, բացի տեղագրական անուններից այլ անուններ չկային, իսկ վաղմիջնադարեան պատմիչների հաղորդումները դեռեւս բաւարար չեն: Որպէսզի ընթացքից մեր եզրակացութիւնն արջեստածին բնոյթ չստանայ, փորձենք դիմել յարակից գիտութեան՝ համեմատական լեզուաբանութեան օգնութեանը:

Այսպիսվ՝ «Փառնաւազ» անունն, ինչպէս Խորենացու եւ Սեբէսի հայ նահապետների մի շարք այլ անուններ՝ իրանական կամ հնդիրանական են: Իրականում Փառնաւազ նահապետ-արքայի անունն, ինչպէս պարզում է, ոչ միայն յատուկ էր հնդիրանական աշխարհին այլեւ բաւական տարածուած էր: Դեռ աւելին՝ ժամանակագրուէն եւս այն բաւական գործածական էր Ք.ա. Զ. դարի սկզբներին, անգամ Հայկական լեռնաշխարհի արեւմտեան եւ հարաւարեւմտեան շրջաններում: Վերջինիս մասին է վկայում Ա. Վ. Քոսեանի մի ուշագրաւ բացայայտում: Նա նշում է, որ Հայկական լեռնաշխարհում, եւ մասնաւորապէս Խորվա-Ծոփքում առկայ են հնդիրանցիների հետքեր, ինչի վկայութիւնը Ք. ա. ԺԵ.-ԺԴ. դարերով թուագրուող խեթական երկու տեքստերում յիշատակուող հնդիրանական անուններն են³⁹: Նրա կողմից առաջին անգամ իրենց գիտական տառադարձմամբ, թարգմանութեամբ ու մեկնաբանութիւններով գիտական աշխարհին ներկայացուած այդ տեքստերից, այստեղ

յորդուն պէտք է փնտուի ոչ թէ Ռուսա III Արգիշթիորդու յաջորդների մէջ, այլ նախորդների՝ ԳՐԵԿԵԱՆ, Է., Գեւելեմի ուրարտական արանագրութիւնը, ՊԲՀ, 2004, № 1, 248-249: Այսօր արդեն ապացուցուած կարելի է համարել, որ Ռուսա II երիմնայորդին կառավարել է Ք.ա. 713-708ին՝ ԳՐԵԿԵԱՆ, Է. Հ., Կառլ Ֆրիդրիխ Լեման-Հառլապտը եւ ուրարտական արքայացամկը «Երեք Ռուսաներ»-ի խնդրի շուրջ, ի ՎԵՄ, 2017, № 2, 23-37:

38 HINZ, W., *Altiranisches Sprachgut der Nebenüberlieferungen*, Wiesbaden 1975, 94f.; MAYRHOFER, M., *Iranisches Personennamenbuch*, Band I, Die Altiranischen Namen, Wien 1979, no. 57.

39 KOSYAN, A., *An Aryan in Išuwa, Iran and the Caucasus*, 2006, vol. 10/1, 1ff.; Նոյն, Արիացիները Պախիուվայում, ի Մերաւալոր եւ Միջիմ Արեւելքի երկրներ եւ ժողովուրդներ, 2006, XXV, 247-248; Նոյն, Հայոց վաղ պետականութեան պատմութեան մի խնդրի շուրջ, ի Բանքեր Հայագիտութեան, 2014, № 1, 9-10:

կարեւոր է ԿՅօ XVI 42-ի համապատասխան հատուածը⁴⁰: Այս տեքստի 26րդ տողում յիշատակուած է «mÚ-it-tar-n-[a(-)]» անունը: Այն, մինչօրս յայտնի՝ հին իրանական «Viⁿdarna» անուան կիրառման ամենաւաղ ձեւն ու յիշատակութիւնն է⁴¹: Այսպիսս, ինչպէս երեւում է «Փառնաւազ» եւ «Վ/Ռիդարնայ» անունները ոչ միայն պատկանում են նոյն լեզուամշակութային տարածքին, այլեւ հանդէս են գալիս նոյն տարածքում⁴²:

Հայագէտ Հ. Մարտիրոսեանը լեզուաբանական վերլուծութեան ենթարկելով Փառնաւազ /P'ařnawaz/ անունը՝ գտնում է, որ այն համապատասխանում է պարթեւական Farnbāz [prnbzw]-ին, յունական՝ «Փարνάբաչօց»ին, արամէական՝ Prmbzwին: Փառնաւազ անուան առաջին «փառնա» բաղադրիչը ծագում է իրանական farnah (*x^warnah-/farnah-), farn, frh, prh, /farrah/ (հմմտ. հայերէն «փառք»), իսկ երկրորդը՝ «վազ»ը, դեռևս գտնուում է քննարկումների փուլում, սակայն գտնում ենք, որ անունը կարելի է թարգմանել նաեւ որպէս «նա, ով փառք ունի» կամ «փայլող փառք»: Մ. Մայրհովերն՝ այն ծագած է համարում Vinda-x^varənah ձեւից եւ թարգմանում՝ «նա, ով (farnah) փառք է գլունում»⁴³: Farr(ah)/x^varənah – անունն արտացոլում է նաեւ վերոյիշեալ յունական «Փարնաբաչօց» ձեւը⁴⁴:

Կասկածից վեր է, որ վերոյիշեալ անունը ծագում է իրանական *Vinda-farnah - «Farnah-գտնող/շահող» ձեւից. հին պարսկերէն (մարական(?))՝ Vindafarnā [Vi-i-d-f-r-n-h-]⁴⁵, միջին էլամերեն՝ Mindaparna⁴⁶, ա-

40 KOSYAN, A., *An Aryan in Išuwa*, 4ff.

41 ՔՈՍԵԱՆ, Ա., Հայոց վաղ պետականութեամ պատմութեամ մի խնդրի շուրջ, 11:

42 Այստեղ չպէտք է մոռանալ, որ Մեծ Հայքի «Աշխարհացոյցեան» վարչագալաքան բաժանումն աւելի ուշ շրջանի է պատկանում: Նշուող ժամանակահատուածում Խոսվա-Ծոփին աւելի լընդարակ էր Բան «Աշխարհացոյցեան» Ծոփի նահանգը, եւ ամենայն հաւանականութեամբ՝ իր մեջ ներառում էր նաև Աղճիմիցից մի շարք այլ տարածքներ:

43 MAYRHOFER, M., *Iranisches Personennamenbuch*, no. 57.

44 Անուան աֆքադական, էլամական եւ յունական գրութակների վերաբերեալ մանրամասն տե՛ս՝ HINZ, W., *Altiranisches Sprachgut der Nebenüberlieferungen*, 94f., 297.

45 Անուան յիշատակութիւնը Բեհիսրութեան արձանագրութիւնում KING, W. and THOMPSON R. C., *The Sculptures and Inscription of Darius the Great on the Rock of Behistun in Persia: A New Collation of the Persian, Susian and Babylonian Texts*, London 1907, «Vidafarnāma Vahayaspasparahayā պւա Pārsa»՝ «Վինդաբար-

րամէական՝ Windrön, յունական՝ 'Ինտաֆըրնոց, պարթեւական՝ Windarfarn[wyndprn], միջին պարսկերէն՝ Gundafarr⁴⁷:

Վերոյիշեալ Վինդաֆարնան հին պարսկական (Հնդիրանական(?)) յայտնի տոհմից էր, եւ իր գործունէութեամբ աչքի էր ընկել դեռեւս Կիւրոս Մեծի (Ք.ա. 550-529) ժամանակներում⁴⁸: Վինդաֆարնան պատկանում էր Դարեհ Աքեմենեանի այն ճ համախոհների թուին, որոնք նրան օգնեցին տապալել մոդ Գառումատային եւ Բարելոնում ճնշել ազգութեամբ հայ Նաբուգոդոնոսոր IVի (Խալդիտայի որդի Արախայ) ապստամբութիւնը⁴⁹: Վինդաֆարնայի անունը, սակայն եզակի չէ. իսուվա-Ծոփից եւ նոյն Բեհիսթունեան արձանագրութիւնից⁵⁰ յայտնի վերոյիշեալ «Մ'Ուտար[ա]-Vindarna» անունը պէտք է, որ ծագած լինի նոյն արմատից ինչ-որ Վինդաֆարնայի անունը:

Այսպէս, վերոշարադրեալը մեզ թոյլ է տալիս միանշանակօրէն ժխտելու եւ վերանայելու մինչ օրս պատմազգութեան մէջ՝ Ք.ա. է. դարավերջի եւ Ք.ա. Զ. դարասկզբին տիրող քաղաքական իրավիճակի վերաբերեալ արծարծուած վերը քննարկուած յայտնի տեսակէտները:

ՌՈՒՍԼԱՆ ՑԱԿԱՆԵՍՆ

Առ որդի Վահայսապարայի՝ պարսիկ՝ Col. III, 84, 86, 88; Col. IV, 83; տե՛ս նաև՝ ՀԵՌՈԴՈՏՈՍ, Պատմութիւն, III, 118-119:

46 Անունն արձանագրութեան աքֆանական եւ էլամական հատուածներում արձանագրուած է նոյնիկերպ՝ KING, W. and THOMPSON R. C., *The Sculptures and Inscription*, op. cit., Col. III, 40ff., 89f.

47 Աշխատանկում ներկայացնող համեմատական լեզուարանութեան հատուածը պատկանում է հայագէտ-հնդեւրոպարան ՀՐԱԶ ՄԱՐՏԻՐՈՍԵԱՆԻՆ, ով իր դեռեւս անտիք եզրակացութիւններով սիրով կիսուեց մեզ հետ, ինչի համար մեր երախտագիտութիւնն ենք յայտնում:

48 ՔՍԵՆՈՓՈՆ, Կիւրոպեդիա, նշ. աշխ., VII, 3, 21:

49 KING, W. and THOMPSON R. C., *The Sculptures and Inscription of Darius the Great*, op. cit., Col. III, 76-92; ԴԱՆԴԱՄԱԵՎ, Մ. Ա., *Политическая история Ахеменидской державы*, Մ. 1985, 77, 79, 92-95, 99; Նոյն, *Иран при первых Ахеменидах (VI в. до н.э.)*, Մ. 1963, 174, 176-178, 184-186.

50 KING, W. and THOMPSON R. C., *The Sculptures and Inscription of Darius the Great*, «*Vidarna nāma Bagābigna hāyāruça Pārsa*»՝ «Վիդարնա որդի Բագաբիդայի՝ պարսիկ» Col. II, 19, 21; Col. IV, 84: Էլամական տարբերակի՝ Mītarna, Miturna (Col. II, 13, 15, Col. III, 91), աքֆանական տարբերակի՝ Ӯmidar-na-, Ӯ(-) darna, արամէական՝ Wdm, լիկիան՝ Widrna, յունական՝ ՚Ydáρνης, Idarnēs, եւ այլն՝ MAYRHOFER, M., *Iranisches Personennamenbuch*, no. 58, p. 29.

Summary

P'ARNAWAZ – AN ARMENIAN KING? (THE BABYLONIAN VERSION OF KHORENATSI OR THE SEBEOSIAN VERSION OF THE FALL OF ASSYRIA)

RUSLAN TSAKANYAN

In this article an attempt is made on the basis of the Babylonian Chronicles and Armenian medieval historians Movses Khorenatsi and Sebeos to describe the political situation in the Armenian Highlands at the end of the 7th century BC. In his monumental work, Khorenatsi mainly preferred Greek sources, hence the Median version of the fall of the Assyrian state. But Khorenatsi clearly possessed other sources as well, according to which the fall of Assyria was considered from the point of view of Babylon. Moreover, Khorenatsi himself does not deny the existence of this fact – “For the deeds of the father Nabuchadnezzar were written down by the supervisors of their annals ...”. Here the conclusions are more than clear: there were two versions available to Khorenatsi according to which the first Armenian king was crowned not by Nabopalassar or Nebuchadnezzar, but by the Median king Varbakes-Cyaxares.

In the work of Sebeos we come across only the Babylonian version, where the above mentioned events are connected with Babylon. Sebeos notes: “This P'arnawaz submitted to the king of Babylon Nebuchadnezzar, and since then was ruled by the kings of the Babylonians and Medians before Alexander the Great.” Sebeos reports that the possession of P'arnawaz were located in the southwestern regions of the Armenian Highland – in Ałdznik (Աղձնիք) or Sophene (Isuwa, Օսվա), in particular in the region of Angeltun (Անզելտուն) of the Armenian Geography. The name of P'arnawaz appears in the list of Armenian kings and patriarchs in Khorenatsi's work. The records of Sebeos are similar to the Babylonian Chronicles. Of the latter, we know that during the Assyrian-Babylonian conflict (626-605 BC), the Babylonian army led by kings Nabopalassar and Nebuchadnezzar, the heir to the throne, appeared at least three times on the borders of the Armenian Highlands. Perhaps they moved further into the highlands – in 609 BC to the Izalla area, in 608 BC to Bet-Hanuniya and in 607 BC “to the district of Uraš/rtu” or “to the district of the sea” [in the basin of Lake Van or Lake Hazar (?)].

In this article an attempt is made (on the basis of the "Babylonian Chronicles" and Armenian medieval historians Movses Khorenatsi and Sebeos) to restore political situation in the Armenian Highland at the end of VII century B.C. In his monumental work M. Khorenatsi mainly preferred Greek sources. Hence originates the "Median" version of the fall of the Assyrian state. But M. Khorenatsi obviously possesses with other sources also, according to which the fall of Assyria was considered from the point of view of Babylon. Moreover, M. Khorenatsi himself does not deny the existence of this fact – "For the deeds of the father Nabuchadnezzar were written down by the supervisors of their annals...". Here the conclusions are more than clear: under the hand of M. Khorenatsi there were two versions according to which the first Armenian king was crowned not by Nabopalassar or Nebuchadnezzar, but by the Midian king "Varbakes"-Cyaxares. And in the study of Sebeos we meet only the "Babylonian" version, where the above mentioned events are bound to Babylonia. Sebeos notes: "This P'arnawaz submitted to the king of Babylon Nebuchadnezzar. And since then was owned by the kings of the Babylonians and Midian before the Alexander the Great". Sebeos reports that the possession of Parnawaz were located in the southwestern regions of the Armenian Highland - in Ałdznik (Աղձնիք) or Sophena (Տոփիք), in particular, in the region of Angel tun (Անգելունոց) of the "Armenian Geography". The name of P'arnawaz occurs in the list of Armenian kings-patriarchs in M. Khorenatsi's work. The records of Sebeos are similar to the "Babylonian Chronicles". Of the latter, we know that during the Assyrian-Babylonian conflict (626-605 B.C.), the Babylonian army, led by King Nabopalassar and Nebuchadnezzar, the heir to the throne, appeared at least three times on the borders of the Armenian Highland. Perhaps they moved further into the highlands - in 609 B.C. in the Izalla area, in 608 B.C. in Bet-Hanuniya and in 607 B.C. "to the district of Uraš/rtu" or "to the district of Sea (in the basin of Lake Van or Lake Hazar (?))".